

P. o. lat.

4665

2

P.O. lat. 1665Z :



155

Digitized by Google

M. ANTONII

M V R E T I

I. C. ET. CIVIS. R.

HYMNORVM. SACRORVM. LIBER

iussu Serenissimi

G V L I E L M I
D V C I S . M A N T V A E

MONTISFERRATI. ET. C.

conscriptus.

Eiusdem alia quaedam Poemata.



VENETIIS. ∞. D. LXXV

Apud Aldum.

MAXIMILIANI . II

EX . PRIVILEGIO

IMP . CAES . AVG .



Editio Aldi Manutij
Paulli F. Aldi N.

Bayerische
Staatsbibliothek
München



S E R E N I S S .

G V L I E L M O

D V C I . M A N T V A E

M O N T I S F E R R A T I . E T . C .



AGNE DV CVM, *setam popu-
lis cui fortibus urbem
Pulcher olorifero Mincius a-
mne lauat :*
*Sume datis a te scriptos mihi
legibus hymnos,*

*Nene parum culti despice uatis opus .
Illi etiam quorū hic meriti celebrātur honores ,
Lucida quos constans uexit ad astra fides ,
Non indignantur paruo sibi ture litari :
Atque animum magni muneris instar habēt .
Forssitan his olim iuuenis meliora dedissem ,
Et mulcere aures dulcius apta tuas .
Sed ueniens etiam ingenio est damnosa senectus :
Nec tantum uires corporis imminuit .
Cum mihi turgerent meliori sanguine uenae,
Nec curarum animum pondera deprimerent :*

A 2 Sponte

Sponte sua numeris carmen mihi mollibus ibat :
 Et subito uersus fundere ludus erat .
 Nūc & corpus hebet senio, et mēs ipsa pigrescit,
 Quodq. habuit ludo, nunc onus esse putat .
 Dulce onus hoc tamē est, quod te mādāte subitur,
 Et leuiora facit iussa iubentis amor . (ore
 Atque utinā haec roseo legat & VINCENTIVS
 Phoebi & Musarum maxima cura puer :
 Qui florescenti paullatim attollitur aëro ,
 Ut sata se ad fluuij subiicit alius aquas .
 Felix; cui teneris Helicon lustratur ab annis ,
 Et bibitur uolucris fons pede factus equi .
 Quem iam ipsa Vranie blandis cōplexa lacertis,
 Stellatas superum uexit ad usque domos :
 Ostenditq. astrorum ignes, caeliq. meatus ,
 Queisq. suos peragant legibus illa choros .
 Quis scit, an & , caelo dum singula dispicit, inter
 Cetera maiores uiderit astra suos ?
 Et quos purpureo contextit Roma galero ,
 Et qui regali sceptrā tulere manu ?
 Fortunate puer, magnum patris incrementum ,
 Cui Lachesis net plena aurea fila colo ,
 Viue diu , utq. dati poscit tibi nominis omen ,
 Tende atauos omni uincere laude tuos .
 Nen graue sit, dum dona tibi grauiora parātur ,
 Interea partem carminis esse mei .



In die Ascensionis.

VICTAE in perpetuum mortis & inferum
Insignis spolijs, luce nitens noua,
Primusq. insolitum Christus iter secans,
Arces in patrias redit.

Natus, nasci iterum nos quoque dum cupit,
Mundo, mortuus est, nos cupiens mori,
Surgens & repetens aethera, nos quoque
Ut possimus idem, dedit.

Christo nunc igitur uiuere nos decet.
Ut Christo pariter detur inemori.
Surgentes eadem nos quoque gloria
Puro lumine uestiet.

Oper qui te, hominum conditor, ingredi
Castae adduxit amor uiscera uirginis,
Nos dignare, tuis artubus insitos,
Voti reddere compotes.

Simplex aetherij numinis unitas,
Quae distincta eadem est ueraq. trinitas,
Aeternis uigeat semper honoribus,
Et terra simul & polo.

Amen.

LVSTRA nostra tua pectora lampade,
 Qui quondam, altifono spiritus à patre,
 Lustrasti unanimes, missus, apostolos,
 Linguis diditus igneis.

Confirma dubios, dirige devios,
 Consolare tui muneris indigos,
 Letaliq. animos frigore torpidos
 Sanctis ignibus excita.

Mens doctrinam avidè nostra bibat tuam,
 Perstetq. adsidue tota Deo calens,
 Et spem firmam in eo-constituens sibi,
 Terram pro nihilo putet.

O rerum alme sator, certe homines sumus,
 Quamquã indigna, tuæ plasmata dexteræ.
 Ne fer, quos tua vis ex nihilo extulit,
 Aeterno exitio obrui.

Simplex &c.

*Q*VALIS, nulla polum nubila cum tegunt,
Inter clara nitet sidera phosphorus,
Talis martyrio conspicuas micat
Inter Barbara uirgines .

*C*ui solus teneris Christus ab unguibus
Vssit cor nitidum perpetua face,
Cui desiderium, cui fuit unicus
Spretis Christus amor procis .

*Q*uamuis imperio barbarus aspero
Terreret genitor, quem furor, & mala
Perduxit rabies, ut gladio caput
Natae demeteret suae .

*V*inclis illa quidem libera corporis
Felix ad superos protinus euolat.
Sed Christus sceleratum in Stygias patrem
Sedes fulmine deicit .

*S*implex &c.

VERBUM, quo omnipotens condidit omnia,
Summi praeualidum consilij angelum,
Vatum plena Deo pectora dixerant
Venturum, ut fieret caro.

Primi quo maculam dilueret patris,
Serpentisq. uasri contereret caput :
Praeclusamq. homini morte recluderet
In caelum propria uiam.

Ergo turba patrum, carcere liberos
Qui longo per eum se fore uiderant,
Caelum suspiciens, luctifonis dabat
Carmen lugubre uocibus.

O qui pollicitis applicitos tuis,
Quamuis cuncta potes, fallere non potes,
Longas tolle moras, & cito, quem tibi
Certum est mittere, mittito.

Simplex & cet.

O solis nitido lumine pulchrior
 Virgo, constituit quam deus unicam
 Expertem maculis omnibus, ut fores
 Nato digna parens suo.

Te quondam Gedeon uellere in uuido,
 Intactaq. nouis imbribus area:
 Te cincto innocuis legifer ignibus
 Agnorat prius in rubo.

Rebus principium qui dedit omnibus,
 A te, dum se hominum caussa hominē facit,
 Sumpsit principium, quiq. alit omnia,
 Pastus lacte tuo est puer.

Per te quod mulier perdiderat uetus,
 Humano generi redditur auctius.
 Tu clausas miseris heu nimium diu
 Caeli prima aperis fores.

Simplex &c.

*O nox uel medio splendidior die,
Cuius per tenebras, uirginis integræ
Ex aluo nitida sol nouus emicat,
Complens omnia lumine.*

*Aeterno imperio qui regit omnia,
Humanumq. Deo conciliat genus,
Is nunc sub tuguri uilis operculo
Nascens, pauperiem docet.*

*Pastores ouium, dum gregibus suis
Intenti uigiles excubias agunt,
Primi hunc angelico carmine nuncium
Laetis auribus hauriunt.*

*Grata est haud dubiè simplicitas Deo.
Grata est uita, dolis quæ procul omnibus
Rectum sponte sua perpetuo colit,
Et priscam retinet fidem.*

Simplex &c.

LEVITAE iuuenis fortia pectora
Ornari solitis tempus honoribus,
Primus martyrij qui sibi lauream
Vitae prodigus induit.

Tundebat lapidum, grandinis in modum,
Densò turba fremens imbre sacrum caput:
Numquam mota suo sed tamen est loco
Mens sancto ebria spiritu.

Sed se se in medijs istibus erigens,
Et caelum penetrans, en, ait, en eum,
Pro quo dulce mori est, iam uideo patris
Ad dextram positum Dei.

At tu Christe sinu suscipe me tuo,
Atque his, qui tenebris turpibus obruti
Quo se se impediunt crimine, non uident,
Quaeso te, ueniam dato.

Simplex &c.

CHRISTO prae reliquis carus apostolis,
 Qui supra domini pectus in ultimis
 Discumbens epulis composuit caput,
 Festa luce canendus est.

Felix, cui dominus iam rigida in cruce
 Pendens, iamq. neci proximus, & patri
 Sanctam sancto animam tradere cogitans,
 Matrem crediderit suam.

Felix, qui se aquilae more super plos
 Tollens, & nitida in luce Deum uidens,
 Diuino eloquij flumine filium
 Aequalem docuit patri.

Felix, qui senio iam grauis, & sacra
 Multa canitie tempora confitus,
 Vt si membra leuis corripere sopor,
 In Christi redijt sinum.

Simplex &c.

CANTEMVS tenerorum agmina martyrum,
Quos regis rabies abstulit impij,
Cunas innocuo sanguine proluens,
Christum perdere dum furit.

O nullis feritas cognita saeculis,
Materno pueros e gremio rapi,
Perfossa ut rutilis corda mucronibus
Lac cum sanguine funderent.

Heu quis, cum solito raptus ab ubere
Districtumq. pauens ad gladium puer,
Blandis carnifici porrigeret manus,
Siccis adspiceret genis?

Argent angelicos nunc pueri choros,
Et Christum liquido gutture concinunt
Herodem meritis debita talibus
Poena in perpetuum premit.

Simplex &c.

PRISCOS Romæ duces desine laudibus
 Efferre immodicis, qui ualida manu
 Fines imperij protulerunt tui.
 Quacumq. Oceanus patet.

His solus tibi, plus contulit omnibus
 Sanctorum eximium Pontificum decus
 Siluester, dominam qui prius urbium
 Christi supposuit ingo.

Multo te ille prius sanguine martyrum
 Respersam, docuit parcere caedibus,
 Et quos mille modis saeua peremerat,
 Illorum monitus sequi.

Romam idem precibus nunc quoq., caelitum
 Adscriptus numero, perpetuis inuet,
 Et tanti ossa suo quæe gramio nixi
 Seruat condita Mantuam.

Simplex &c.

CIRCUMCISO agitur lux domino sacra .
 Quae iam, si dominum rite libet sequi,
 Impura e tumidis omnia nos monet
 Circumcidere cordibus.

Umbra euangelij lex fuerat uetus :
 Sed sol exorians ut tenebras fugat ,
 Sic sol iustitiae legitimis suum
 Finem ritibus attulit.

Nobis corporeo nil gladio est opus :
 Sermo quippe Dei uiuus & efficax,
 Se se instar gladij mentibus inferens ,
 Ad uiuum omnia persecat .

Quae semper uitij germina pullulant,
 E nostris utinam cordibus amputet,
 Anni principium sit simul ut noui
 Vitae principium nouae

Simplex &c.

*QVAE uos caussa Magi, dicite, perpulit
E uestris iter huc carpere finibus?
Quem tanto studio quaeritis anxij?
Quo ue haec munera pertinent?*

*Nos stella insoliti luminis huc trahit
Et dux certa uiam perpetuo praeit,
Iudaeae populis quae cupientibus
Regem significat datum.*

*Auri istaec sed enim quid sibi pondera,
Myrrhae mirificus quid sibi uult odor?
Aut quae, cum populus sacra Deo facit,
Aris tura solent dari?*

*Rex auro colitur, tura Deum decent :
Nostri myrrha homines post obitum linunt.
Huic ergo haec pariter munera congruunt,
Qui & Rex est, & homo, & Deus.*

Simplex &c.

EHEU quam scelerum non tolerabilis
Nos urget miseros sarcina, quae Dei
Nostri principio mentibus inditam
Obscuravit imaginem.

Si nos pro meritis accipiat Deus,
Causae nil fuerit, quo minus agmine
In tristes tenebris perpetuis domos
Vno praecipites agat.

Sed semper facilis flecti in eos fuit,
Quos culpa ex animo paenituit suae.
Numquam horum lacrimis & gemitu tulit
Se frustra ueniam peti.

Hac spe, quam ipse dedit, poscimus ut graui
Pressos exoneret pondere, ne ue se
In nostro rigidum crimine iudicem,
Sed mitem exhibeat patrem.

Simplex &c.

MVLTI*s* *tensa epulis uiscera dum tument,*
Mens oppressa nihil cogitat arduum :
Et more indomiti luxurians equi
Pugnat spiritui caro .

Sed subtracto eadem comprimitur cibo ,
Et se spiritui morigeram exhibet :
Qui, cum nulla grauant pondera sordium,
In caelum celer euolat .

Primus corporeo legifer a cibo
Bis binos decies abstinuit dies :
Quem Christus numerum nos itidem sequi
Exemplo docuit suo .

Sed frustra uetitis os tenet a cibis,
Qui factis animum turpibus inquinat .
Ieiuno adsiduae conueniunt preces ,
Cumq. his munificae manus.

Simplex &c.

AEQVAEVA ingenito progenies patri,
Vitam morte suis redderet ut sua,
Se Christus nunci uelleris hostiam
Vltro supplicio obtulit.

O erga immeritos mirus amor Dei.
Natum, quae pietas, tradidit unicum:
Ut pro mortifera fraude innocentium
Poenas solueret innocens.

O non uisum alias sacrifici genus,
In quo aeterna Deo sacra facit Deus,
Et mortem moriens opprimit, & sibi
Ipse est uictima pontifex.

O crux tincta sacri flumine sanguinis,
Olim supplicium mancipijs graue,
Nunc regum capiti praecipuum decus,
Te flexo colimus genu.

Simplex &c.

20 In Dominica in ramis palmarum.

REGEM *pacificum, moenia dum subit
Vrbis, celsa suae, turba manu ferens
Palmarum gravidos obuia termites,
Faustis uocibus excipit.*

*Hic laetas spoliat frondibus arbores:
Hic ferta ante pedes florea projicit:
Supplex ille manus porrigit, hic suis
Terram uestibus obtegit.*

*Heu mentes hominum! Quis fore crederet,
Quem tantis studijs exciperet frequens,
Post paucos ut eum turba eadem dies
Suffixum adspiceret cruci?*

*Nil in uita hominis perpetuum datur.
Rebus ne nimium fidite prosperis.
Plerumq. hic lacrimis gaudia temperat
Certo consilio Deus.*

Simplex &c.

In die Annunciat. B. Virginis. 2 F

AD te ~~stereis~~ missus ab arcibus

Cum uenit Gabriel, uirgo, renuncians,
Te summo ante alias complacitam patri,
Mox matrem domini fore:

Turbata tibi ~~rimis~~ purpureus genas

Sparsa mente pudor, nescia quod uiri,
Casto, sponsa licet, pectore uirginem
Semper te fore noueras.

Verum idem subito nuncius addidit:

Istos pone metus: nam tibi iam datum est,
Vt uirgo maneas, & tua compleat
Sanctus uiscera spiritus:

Tunc ore ex roseo vox tibi prodijt,

Testis mirificae certa modestiae:
Ecce ancilla Deo subdita, nil moror:
Fiat, quod dominus iubet.

Simplex &c.

22 In die Paschae.

PONATUR lacrimis iam modus, & nouis
Templorum resonent atria canticis.
In uitam reduci nam domino sacer
Poscit laetitiam dies.

Lux post Christi obitum tertia uenerat,
Cum spes sancta, moraeq. impatiens amor
Matronas parili nomine nobiles
Visendum ad tumulum uocat.

Tum motum lapidem, tum lapidi uident
Innixum niueis uestibus Angelum:
Qui, quo sollicitis eximeret metum,
Pauca & certa locutus est.

Non hoc amplius est quem petitis loco.
In uitam redijt Christus ab inferis.
Ite, & discipulis haec eadem date
Summi nuncia gaudiij.

Simplex &c.

GENTES, *nulla quibus notitia est Dei,
Armis, imperio, prole superbiant :
Nobis, queis melior spiritus obtigit,
Sola est in Cruce gloria.*

*Lignum prima homini perniciēs fuit,
Cum primus uetitam contigit arborem
Captus femineis illecebris parens,
Quo se perdidit ac suos.*

*Sed post, lignum homini certa salus fuit,
Cum scandens patulam Christus in arborem,
(Aeternus fieri sic uoluit parens)
Vitae restituit suos.*

*CruX hostes hominum sola procul fugat.
CruX sola insidijs munit ab omnibus.
Aduersa intrepidus despiciat, licet,
Cuius spes Cruce nititur.*

Simplex &c.

24 In natiuitate S. Ioannis Bapt.

SANCTORVM soboles sera parentium,
Solis perpetui prodrome lucifer,
Qui nascens hilaras omnia, dum tuum
Natalem colimus, faue.

Non dum natus eras, cum dominum tamen
Non dum castae utero uirginis editum
Agnosti exsiliens, & quatiens no no
Matris uiscera gaudio.

Mox & magnanimus tesqua petis puer,
Et uicta populos horridus admones,
Factis abstineant turpibus, & uiam
Aduentante parent Deo.

O cui uoce sua maximus arbiter
Laudem supra homines egregiam dedit,
E caelo adsiduis, quae sumus, adiuua
Cultores precibus tuos.

Simplex &c.

LAVRENTI *canimus nobile proelium ,
Qui cum uisceribus flammam aleret suis ,
Et cratem roseo sanguine spargeret ,
Subiectis ruber ignibus ,*

*Constanter domini perstitit in fide ,
Ambustumq. latus carnifici exhibens ,
En , istam rabiem quo magis expleas ,
Hoc iam coctum , ait , est : uora :*

*Tanto corporeis ignibus acrior
Christi ardebat amor pectore in intimo :
Sic mens tota Dei seruida spiritu
Sensum corporis hauserat .*

*Nunc nobis solito more rogandus est ,
Iratum ut merito conciliet Deum ,
Et quos mirifici roboris instruit
Exemplo , precibus iuuet .*

Simplex &c. .

QUAM crebro dederat discipulis fidem,
 Confirmare modis dum studet omnibus,
 Tres secum comites montis in ardui
 Adsumpsit dominus iugum.

Illic frons radijs cincta micantibus,
 Solaris nituit lampadis in modum:
 Tum, qua tectus erat, protinus est niui
 Vestis reddita concolor.

Cum Christo gemini uisi etiam senes,
 Et iussa ad populum cui dederat Deus,
 Et qui fidereas uisus erat domos
 Quadrigis petere igneis.

Enubis nitidae quin etiam sinu
 Haec dicta omnipotens intonuit pater:
 Hic est, quem eximie diligo, filius.
 Huius iussa capeffite.

Simplex &c.

REGNATOR *superum quo nitidam die*
Matrem sidereis arcibus intulit,
Et supra angelicos conspicuam cheros
Stellanti statuit throno :

Quae caelo fuerint iubila, qui sonus,
Quae sanctis animis gaudia, non modo
Humanis nequeat uocibus exprimi,
Sed nec pectore concipi

Illae est arca noui conscia foederis,
Conclusus, domini deliciae, hortulus,
Rastro intactus ager, sidere pulchrior.
Et sponsa & genetrix Dei.

Felix quisquis eam suppliciter colit,
Rebusq. in dubijs sedulus inuocat.
Numquam hoc qui statuit praesidium sibi,
Spe lusus doluit sua.

Simplex &c.

CHRISTI in militiam nomina ne darent,
 Multos impediti supplicij metus :
 Multos qui dederant, uis cruciatuum
 Illam deserere impulit :

Non sic ille, hodie quem colimus, fuit,
 Què nomen tumido duxit ab Hadria :
 Quin constantem animum Christicolum uidēs
 Horum se ad numerum appulit :

Prudenter reputans, non sine numine
 Tales cuncta uiros aspera perpeti,
 Nec se illos tenere sponte sua ratus
 Poenis obicere omnibus.

Ergo his se agglomerans, credidit : & simul
 Index ipse sui, supplicium appetens,
 Quae mente inibebat, mox eadem suo
 Sanxit dogmata sanguine.

Simplex &c.

CAELESTIS canimus militiae ducem :
 Qui periura bonus dissipat agmina;
 Et deiecta locis non sibi debitis,
 Sedes trudit ad inferas.

Horrendo imbiberat pectore septiceps
 Bis quinisq. ferox bellua cornibus,
 Intactae sobolem uirginis unicam
 Saenis mandere dentibus.

Aeterni imperio sed Michael patris
 Conatus Satanae reddidit irritos :
 Et monstrum innumeris fraudibus oblitum
 Victor strauit humi potens.

Idem deposito pondere corporis
 Exsortes animas criminis excipit,
 In caelumq. alacres tollit, & in loco
 Lucis perpetuae locat.

Simplex &c.

CAELESTES epulae, certa pijs salus,
 Quas apponit amor, pura capit fides,
 In queis ipse cibi perpetui loco
 Cenae se pater exhibet.

Hic uerbum domini fallere nescij
 Caecis iudicium sensibus abrogat :
 Quod non est, oculi cernere se putant,
 Nec, praesens quod adest, uident.

Sub panis specie uina latet caro,
 Sub uini specie sanguis : & utraque,
 Seu tantum species sumitur altera,
 Christus sumitur integer.

Felix qui dominum sedulus hospitem
 Abstersis animi sordibus excipit.
 Qui contra facere id negligit, ah miser
 Ipse est exitio sibi.

Simplex &c.

O nullis hominum peruia sensibus,
Naturae penitus sola capax tuae,
Cuius condita sunt omnia numine,
Aeterna & monas & trias.

Nato aequaeue pater, nateq. par patri,
Et manans ab utroque inclyte spiritus,
Circumfusa tuo nubila lumine
Nostro discute pectori.

Da, mens per speculum cernere te queat
Nostra, & posthabitis te petat omnibus,
E iussisq. tuis pendeat, & tibi
Soli dedita seruiat.

Tu clemens miseris da ueniam pater.
Tu fili miseris sterne iter ad patrem.
Tu sanctum miseris pneuma uagantibus
Praefer conspicuam facem.

Simplex &c.

52 IN ICRO D. AMBROSII
QUALIS periclitantibus,
Totoq. iactatis mari
Tranquillitatis nuncia
Se stella nantis obijcit:

Talem, procellis Arij
Ecclesiam turbantibus,
Qui lumen orbi redderet,
Elegit Ambrosium Deus.

Nondum renatus flumine,
Sed iam renatus flamine,
Concordibus suffragijs
Episcopus delectus est.

Vt ex ministro Caesaris
Minister effectus Dei,
Humana linquens ceteris,
Diuina iura panderet.

Non alligatur tempore
Diuina certo gratia:
Sed dum libet, quidquid libet
Puncto uel uno perficit.

Hunc ipse Caesar horruit,
Contra nec ausus hiscere est,
Caedes ob admissas sacrae
Exclusus aedis limine.

*Magnam suis fiduciam
Benignus inspirat Deus :
Semperq. pastoris boni
Multum potest auctoritas .*

*Salve, bonorum maxima
Episcoporum gloria,
Plebemq. deuotam tibi
Caelo receptus adiuna .*

*Aeterne cunctorum pater,
Aeterne fili par patri,
Et par utriq. spiritus,
Soli tibi sit gloria .*

AD . BEATISS . VIRGINEM

DEI . MATREM

quae religiosissime colitur
in Aede Lauretana .

VNDE mihi insolitus praecordia cōcutit horror,
Et persusa metu trepidat, uelut itta Deo, mēs?
Fallor, an hoc facit ipse locus, stimulosq. pauenti
Subijcit, atq. animū praesentia numinis urget?
O caelo dilecta, domus, postesq. beati,
Quos ego iampridem tota mihi mente cupitos,
Nunc primum, ueteris. noti reus, aduena uiso:
Saluete, adspectiq. mihi feliciter este .

Vos ne per aetherias Iudaeae a finibus oras
Aligerum, mandante Deo, uexere manipuli?
Hic uirgo genitura Deum, genitricis ab alio
Prodiit, & blandis mulsit uagitibus auras?
Hic quoque, uirginei seruata laude pudoris
Sancta salutifero tumuerunt uiscera fetu?
Ille opifex cunctorum, illa aeterno unica proles
Aequa patri, ille homini primaeva ab origine la
Spē caelo uitamq. ferens, hac lusit in aula (psō
Paruulus, et sanctae blāda obtulit oscula matri?

Quaenā igitur regū sedes, quae tēpla per orbē
Huic se ausint cōferre loco? ter & amplius omnes
Ante alias felix Piceni litoris ora:
Cui Solymos spectare domi, cui munere diuum

Fas

Fas calcare domi est pedibus uestigia Christi .

*En ego iam supplex procūbam, atque oscula figā
Parietibus sanctis, spargamq. hoc puluere crines.*

*Adspice me superis e sedibus, adspice, uirgo
Prostratum, atque imo gemitus ex corde cientem,
Et pectus tundentem, & fletibus ora rigantem :*

*Neu, quamquam culpis adopertum turpibus, arce
Adspectu me diua tuo, si pectore toto
Te ueneror , si te, dubijs in rebus , ad unam
Confugio, teq. auxilium sanctissima posco .*

*Paenitet ex animo uitae me Diua prioris,
Paenitet, et meritas horret mens conscia poenas .
Quod nisi tu casto pendentem ex ubere natum
Concilias, placasq. mihi, quo tendere cursum ,
Quoue malis fessam tentabo aduertere puppim ?
At tu, namq. soles, placida dignare querellas
Aure meas, & ades lapsis mitissima rebus .*

*Certe equidem tota pendentes aede tabellas
Adspicio, quae te miseris praesto esse loquuntur.
Hic, te animo spectans, torrentem uiscera febrim
Depulit. ille hyadas tristes, haedumq. cadentem
Spectauit tutus , uertentibus aequora uentis ,
Et duce te patrias enauit saluus ad oras .
Criminis ille reus falsi , sub iudice duro ,
Dum mortem exspectat, tenebroso carcere clausus,
Munere Diua tuo detecta fraude , reuisit
Uxorem, & natos, exoptatumq. parentem.*

O ego nunc morbis multo grauioribus aeger ,

*Naufragiumq. timens longe exitiosius illo,
 Et iam pridem animum peccati cōpede uinctus,
 Si possim morbis liber, uinclisq. solutus,
 Fluctibus & uentis laceram subducere puppim:
 Quas tibi laetus agam grates, dum uita manebit?
 Te, cum luce noua sparget sol aureus orbem,
 Te recinam, quoties abscondet opaca polum nox:
 Et tua praecipuo uenerabor numina cultu.*

T I B U R

*QVIVMQUE. Herculei spectabit Tiburis arces,
 Qua pater Hippolytus, sacri pars magna senatus,
 Cura deum, loca perpetuo prius aspera saxo
 Mollit, & leni iussit mitescere cliuo,
 Omnia deprendet longe superantia fumam.
 Nec tam regifico constructa palatia sumptu,
 Auroq. illusas aedes, radiataq. testā,
 Quam semper uirides mecū admirabitur hortos.
 Et gelidos fontes, & aquā in sublime uolantem
 Seq. in multiplices uertentē, ut Protea, formas
 Praecipue tamen illi animum nouitate mouebit
 Excisus, res mira, silex, rupesq. cauatae,
 Et uia facta manu longi per uiscera montis:
 Qua se Anio pater insueto peruolueret alueo.
 Qui longum per iter tenebroso tramite lapsus,
 Exit, & arboribus gelidae non inuidet undae.
 Stāt habiles propter Nymphae, lymphasq. parat
 Exceptas*

Exceptas urnis in uasa capacia fundunt.
 Parte alia ipse suis altricibus adstat Iacchus,
 Materniq. memor casus, flammaeq. paternae
 Gaudet aquis, illisq. libens sua munera miscet.
 Dum stupeo, tam multa uidens miracula rerum:
 Ecce nouus procul alituum concentus ad aures
 Fertur, & insolita mentem dulcedine tangit.
 Adspicio: & gressum propius fero. corpora cerno
 Parua ex aere auium, aeratis nitentia ramis,
 Daedala quaeis uariam tribuit sollertia uocem.
 Quamcumq. adspicias, delusus imagine, ueram
 Esse putes uolucrē: nisi quod non euolat usquam:
 Sed ramis affixa suis cantu aethera mulcet.
 At uerae mirantur aues: & cedere dum se
 Turpe putāt, liquidis late oīa questibus implent.
 Hic Lucae egregius labor est, quem Sequana partu
 Ediderat, Siculi renouantem inuenta magistri.
 Quid? quem non moueat cygnum mentitus adulter
 Illudens simili spirantem e marmore Ledam,
 Delicijsq. suis, & aquarū murmure laetus?
 Multaq. praeterea ueterum simulacra deorum,
 Artis opus prīseae. cunctos uerum arduus inter
 Eminent Alcides: qui spectans omnia circum,
 Hesperidum ueteres hortos prae Tibure temnit.
 Sed quid ego haec uersu nequidquam includere tēto?
 Iampridē exiguum praescripti carminis orbem
 Excessi: & dictis semper maiora supersunt.

DELICIAE veterum Tibur uoluentibus annis.
 Conciderat, priscum perdideratq. decus.
 Et nusquam riuus, nusquam pomaria, nusquam
 Vlla super tanti signa decoris erant.
 Illa loca antiquis toties celebrata poetis
 Horrebant turpi squalida facta situ.
 Maerebant erepta sibi sua gaudia Nymphae,
 Languentes Anio maestus agebat aquas.
 Omnia tempus edax ita deformarat, ut hospes
 Quaereret in medio Tibure, Tibur ubi est?
 Non tulit hanc speciem diuini pectoris heros
 Hippolytus, sacri gloria magna chori.
 Illo loco senium absterfit, uultusq. priores
 Reddidit, & solito iussit honore frui.
 Illius imperio iussae renirescere silvae
 Coeperunt sparsis luxuriare comis.
 Ille nouos passim fontes emergere iussit.
 Nec mora fit: fontes prosiluisse noui.
 Quos circum statuit priscis egesta ruinis
 Plurima Phidiaca signa polita manu.
 Ipse Anio frontem pallenti incinctus olivo
 Affluit, & proprias consociauit opes.
 Iure igitur fontesq. sacri, silvaeq. uirentes
 Certatim Hippolyti nomen ad astra ferunt:
 Et, quoties molli increpuit leuis aura susurro,
 Hippolytum alternis uocibus ingeminant.

Ad

Ad Petrum Gerardium.

O delicati blanda ruris otia,
 Curis & ambitu procul :
 O dulce murmur limpidorum fontium,
 O grata nemorum opacitas,
 O sibilantes arborum ingentum comae,
 O prata uere gemmea,
 O solitudo amica cogitantibus,
 O horror, o silentium,
 Cui nunc canoro gutture obstrepunt aues,
 Nunc canna pastoris nagi,
 Seu mare oues in laeta ducit pascua,
 Seu uespere reducit domum
 O mensa nec luxu affluens, nec sordida,
 Dapibus parata rusticis,
 Quas non, bene largientem ut irriter gulam,
 Doctus saporauit coquus :
 Sed filijs iuuenibus & seni uiro
 Seuera coxit uillica.
 O bibliotheca nota paucis, o libri,
 Quos rara tuorum est manus.
 O cella tantum lectuli unius capax,
 O somne liber, & levis :
 O ad beatam rura uitam senita,
 Ignota uulgi sensibus :
 Ut nos requirit : ut mente nos tota expeto,

Alia perosus omnia .

Et laetus ad nos tendit, & gæzis libens

Vos anteposit Perficis ,

Quicumq. puro pectus Olmeo lauit ,

Frondemq. mordet Delphicam .

Quid tu , Gerardi, cui profanis inuios

Adire fontes contigit ,

Partes ne easdem sequeris, an siti mala

Opum, aut perustus gloriae ,

Amoenitati ruris & dulci otio

Vitam anteponis aulicam ?

O per Lycei cognitos paucis specus ,

Quos saepe lustrasti puer ,

Ne sperne amicus consili quod dat senex ,

Quodq. sibi , sed sero capit .

A litterato te otio auocantibus

Occludito aures, & fuge :

Canora monstra ut auribus cera oblitis

Laertis effugit puer .

Beata uita non metallo aut Indici

Spolijs paratur aequoris .

Animo appetenti pauca, quod sat est, sat est :

Auido , atque inextpleto , nihil .

Cum tibi sit, unde liber , & plane tuus

Vitam quiete transigas :

Quis, heu, furor te , quis, rogo, impellit furor ,

Vincla ultro ut induas tibi ,

Et more pulchrum uinere alieno putes ,

Nutus

Nutus timentem diuitis ?
 Age, rumpe nexus, & iugum collo excute,
 Vindexq; & adsertor tui,
 Aude esse felix, & procul cuncta amouens,
 Quae mentem humo adfixam tenent,
 Per liquida puri spatia decurre aethera,
 Aeterna tantum cogitans :
 Et ista sortis lubricae ludibria
 Miranda uulgo desere.
 Utinam mihi olim, flore cum primo rudes
 Iuuenta opacaret genas,
 Amicus aliquis ista monstrasset senex,
 Quae nunc tibi ipse cantito.
 Non ego perisse lustra tot in aula mihi
 Vanis dolerem questibus.

Dedicatio hortorum Tiburnorum.

Nec labor Alcidem fregit, nec blanda uoluptas
 Vmquam animum casti molliit Hippolyti.
 Ambarum hos hortos uirtutum accensus amore,
 Herculi, & Hippolyto dedicat Hippolytus.

Idem.

AVREA sopito rapuit quae mala dracone
 Alcides, eadem nunc tenet Hippolytus.
 Qui memor accepti, quos hic conseruat hortos,
 Auctori uoluit muneris esse sacros.

Bacchus

Bacchus fonti impositus .

*NONDUM natuserā, cū me prope perdidit ignis.
Ex illo fontes tempore Bacchus amo.*

Idem ex aduerso respiciens fontem
Nympharum .

(phas.

*QVI colitis Bacchū, comites simul addite Nym
Nam sine ope illarum munera nostra nocent.*

P R O L O G V S

I N . P H O R M I O N E M
T E R E N T I I

cum eam aliquot nobiles adolescentuli

HIPPOLYTI, CARDINALIS

F E R R A R I E N S I S

iussu acturi essent.

ETSI scio esse hic neminem, qui nescias

Quid apparatus noster hic uelit sibi ,

Tamen mearum partium esse existimō,

Interea dum se mei sodales comparant,

Bona cum uenia uestra pauca dicere,

Quae scire uos, & uestra, & ipsorum interest.

Comoe-

Comœdiam Terentij acturi sumus,
 Cui Phormioni nomen ipse indidit,
 Quod parasitus in ea Phormio primas agit.
 Neque hoc uideri debet aut mirum, aut nouum:
 Quandoquidem in omni uita, nedum in fabulis,
 Parasiti, scurrac, sycophantæ, omne id genus,
 Bonis repulsis, ipsi iam primas agunt.

Quod si quis est, parum decorum qui putet,
 Iuuenes ingenuos personatos conspici, in
 Scenam prodire, & quasi facere histrioniam:
 Is sibi responsum hoc habeat: nulla re magis
 Dijudicari omnia, quæ mortales agunt,
 Quam sine, quem is, qui quid agit, proponit sibi,
 Qui scenicam artem uictus causa facitiant,
 Et, ut coquis ac lanijs risum excitent,
 Distorquent ora, insulsa dicta dictitant,
 Contundunt pugnis se inuicem, atque horum omnium
 A plebe uiles exigunt mercedulas,
 Merito histrionum nomen & famam ferunt.
 Nil simile nostrum est. Nos, ut nostram industriam
 Vobis probemus omnibus, ut communi hero
 Hilaremus animum, cui debemus omnia,
 Vnum id petentes, hunc laborem cepimus.

Quamquam o supremi caelites, quæ iam omnium
 Pudere debet personatum conspici,
 Cum id omnis aetas, omnis ordo facititet?
 Sed nolo nunc ulcera cuiusquam tangere,
 Ne quis satyram hanc esse dicat, non comœdiam.

Nunc

Nūc unū a uobis, priusquā hinc abeā, postulo:
 Si uos, quod uestri honoris causa fit, inuat,
 Fauete, & uigilate animis, uigilate auribus,
 Dormite linguis. qui tacere non queunt,
 Bene fecerint, si cefferint ijs, qui queunt,
 Ne et turbent alios, & morbum prodant suum.
 Facite, ad conanda in posterum nos talia
 Bonitas ut uestra, atque aequanimitas excitet.

Ad Antonium Montecatinum .

TANDEM querellis pone modum tuis,
 Et fata maestis inuida uocibus
 Clamare, crudelesq. diuos
 Cum gemitu lacrumisq. parce.
 Nam, quid Lycei iuuerit auios
 Lustrasse saltus, fontibus ac sitim
 Ex uulgo inaccessis lenasse,
 Ingenioq. adijisse diuos,
 Si mentis istud praesidium tuae
 Terrumpit, & sese intus agit dolor,
 Imisq. feruens in medullis,
 Te quasi perdomito triumphat?
 Magnam doloris fata quidem tibi
 Causam obtulerunt, quae tibi cognitum,
 Longoq. rarum usu sodalem
 Hannibalem ante diem abstulerunt.
 Qui quamquam auitis sat titulis domi
 Forisq.

Forisq. clarus, non tamen id sibi
 Satis fore ornando putavit,
 Ni proprios etiam ipse honores
 Labore magno quaereret impiger,
 Comamq. lauro duplici necteret,
 Et qua ferox Gradivus, & qua
 Pulcher Apollo suos coronat.
 Heu quis deorum mentibus addidit
 Famae illam honestis immodicam sitim?
 Quam saepe multis ille tristem
 Funeris acceleravit horam.
 Sed, quorsum inanes iam querimoniae?
 Ille ipse, quem urges questibus, Hannibal,
 Felix, & insertus deorum
 Concilio, mala nostra ridet.

In D. Barbaram.

BARBARA, qui laudes speret se aequare canēdo
 Posse tuas, idem pulsantes litora fluctus,
 Et Libycas numero comprehendere tentet arenas.
 Te pater insanus turri concluderat alta:
 Sed ueram Danaen uerus te Iuppiter illic
 Despondit sibi Christus, & arto foedere iunxit.
 Illo & tu triplices fieri inspirante fenestras
 Mandasti, & niueo sculpsisti in marmore signū,
 Quo reparata salus, & deficiente ministro
 Ipsa tuos mersisti undis lustralibus artus.

Quid

*Quid memorē, ut tibi mons fugiēti cesserit, aut
Ceperit indicij uaesanus praemia pastor, (quae
Qui dum miratur pecudes in marmora uersas,
Ipse suum pariter sensit lapidescere corpus.*

*Non tu carnifices, non tu tormenta timebas,
Non gladios, animosa, & Christo plena uirago,
Qui te ad caelestem meritis pro talibus aulam
Euexit, regniq. libens in parte locauit.*

*At tu Diua graues hominū miserata labores,
Pacem illis, ueniamq. ora, & nocitura repelle,
Praecipue antiquo prognatum ex sanguine regū
Gonzagam, felix quo se duce Mantua iactat,
Qui uirides Minci ad ripas tibi Diua sacrauit
Templū augustū ingens, cura quod et ipse tuetur
Peruigili, & flammam late spargentibus aris
Saepe manu propria meritos imponit honores,
Hunc tu Diua tuo protectum numine sancto
Conserua, populumq. simul, qui sacra, secutus
Principis exemplum, puro tua corde frequentat.*

*GVSTANDA uita, non fruenda, homini datur.
Nam, cum fruendi tempus est, tum deserit.
Feliciter maritus, an caelebs agat,
Priuata uita sit ne regno dulcior,
An uita regia solium attingat Iouis:
Peregre mori suauius sit, an domi:
Qui, quamq. multi, et quo parandi more sint,
Quo habēdi, amici: nullus haec curat puer:*

Rarus

*Rarus adolescens : nec senex omnis uidet .
 Et haec tamen uitam prope omnem continent .
 Quae si quis acri cura & usu peruigil
 Longo notarit, iamq. secum statuerit,
 Quid fugere, quid contemnere, & quid persequi
 Expediat homini, uix eam ingresso uiam,
 Quam maxime unam ex omnibus probauerit,
 Obstat senectus inuida, & cursum impedit :
 Mox auda tristes Lachesis inijcit manus .
 Sic uiuere meditantibus uita euolat .*

*QVAMVIS quae medio me fixa in pectore tor-
 Vibrata est oculis certa sagitta tuis: (quet,
 Ne tamen, o ne, uita, auctores uulneris istos,
 Altoresq. alio uertere perge mei .
 Sed fige usque in me, ut tanto impensius urar.
 Nam mi et tam dulci est uulnere dulce mori .*

*FORMOSA es, fateor, formosa, & digna rogari,
 Sed nemo tamen hic te Telefilla rogat .
 Cur tu igitur nobis longo sermone pudorem
 Tam crebro iactas, duritiamq. tuam?
 Et te uelle prius dicis tormenta subire
 Omnia, quam quisquam te potiatur amans?
 Vis tibi uera loquar? modus est hic ipse rogandi.
 Ipsa rogat, nullo si qua rogante negat .*

Si expectas, Pamphile, ipsa dum negotia
 Te accersant ultro, & dormientem exsuscitent,
 Vehementer erras. taciti discedunt dies:
 Nec obliuiosos officij admonent sui.
 Superba res est rei gerendae occasio.
 Semel contempta, numquam postidea redit.
 Vigiles oportet, & tua accures memor.
 Nam, si ipse rem curare negligas tuam,
 Fugit illa, & facile, qui se curet, inuenit.
 Tu rem quam cures postea haud facile inuenis.

MEMINI magistrum puero mi olim hoc dicere,
 Summum Iouē facere item, ut caupones solent:
 Qui uina ut uendunt, turbant, miscent, diluunt:
 Nec cuiquam uini simplicis danunt cadum.
 Itidem illum aiebat in uita mortalium
 Numquam fortunam simplicem quouquam dare:
 Sed temperare fata laetis tristia.

E Graeco Callimachi.

NAMQ. & ego nitido capiti, flauisq. capillis
 Serta olim Assyrio sparsa liquore dedi,
 Et bona in ingratum congeffi plurima uentrem:
 Cuncta sed in uentos illa abiire leues.
 Seruarunt solae commissae fideliter aures,
 Corporis hac una est parte reperta fides.

RA-

RAPHAELIS. VRBINATIS.
 PICTORIS. EXPM II
 TVMVLVS

Ipsē loquitur.

*Sic mea naturam manus est imitata, videri
 Possēt ut ipsa meas esse imitata manus.
 Saepe meis tabulis ipsa est delusa, suumq.
 Credidit esse, meae quod fuit artis opus.
 Miraris, dubitasque? audito nomine credes.
 Sum Raphael. hei mi, quid loquor? immo fui.
 Et tamē, his dictis, quid opus fuit addere nomē?
 Alterutrum poterat cui libet esse satis.
 Nā mea et audito est notissima nomine virtus;
 Et praestare vicem nominis ipsa potest.*

*QVID QUID agā, Claudi, seu quo me uertere tō
 Semper, ut soleo desidiōsus, agam? (tem,
 Ante oculos tuos mi adsidue obuersatur imago.
 Vnaq. tristitiam gignit, et una leuat.
 Angor enim infelix, quod te, quo sospite solum
 Esse uelim sospes, quo moriente mori,
 Nūc, ubi sis, quid agas, ueterē tibi curā medētū,
 An nondum, morbum pectore depulerit,
 Nec scia, nec iam scire ullā ratione patis sum.
 Quoties te angere unica paene imago*

At rursus mihi rest, quo me ipse hoc tempore soler,
 Quodq. oculos tristi tergeat imbre graues,
 Te nisi cum uana sibi mens sub imagine fingit:
 Seu uigilem, dulci siue sopore premar.
 Hoc mihi Nepenthes curas dissoluere proptū est:
 Luctibus haec una est apta medela meis.
 Tecū ego nunc uideor teneros percurrere uersus,
 Siue Catulle tuos, siue Tibulle tuos:
 Nunc etiam rerum causas tentare latentes
 Discere & unde fluant, omnia quoq. fluant:
 Tunc herba in uiridi, laetae porrectus ad umbrā
 Arboris, & riuum molle strepentis aquae,
 Aurasq. & dulces animum captare susurros,
 Perq. uices tecum multa iocosa loqui.
 Gratia dis, qui mētē homini celeremq. dederūt,
 Et quaeuis habile fingere spectra sibi.
 Illa & plumipedem superarit Persea cursu,
 Et celerem inuicti Bellerophontis equum.
 Nec mihi, se cuius rerum natura ceatrix
 Expressam in tabulis cernit, ut in speculo,
 Tam bene te docto Titianus pollice pingat,
 Quam mēs te adsidue pingere proptā mea est.
 Atque utinam tibi sit de nobis mutua cura.
 Nec, quin sit, dubito: sed tamen esse precor.
 Non ego vulgari te, Claudī, amplector amore.
 Hac facie rara deus tangere corda solet.
 Me me ipse odissem, nisi tu me gratus amares:
 Nec nisi me, quoniam sum tibi carus, amo.
 Deniq.

Deniq. cum fuerò nulli credenda locutus,
 Pars tamen illa mei parvula amoris erit.
 Di faciant, longos producere detur in annos
 A pueris coeptae foedus amicitiae.

Francisco Duareno Iuriconsulto.

QVI te Romani, Duarene, aenigmata iuris
 Soluentem uidit, nec tamen obstupuit,
 illum ego crediderim sensuq. animoq. carere:
 Qualis in Aegaeo stat metuenda mari
 Edita fluminibus Cantorum obnoxia rupes,
 Quam neque bacchantis concita uis pelagi,
 Nec uis uentorum propria de sede renellat.
 Nam siue eloquij flumina suspicimus,
 Ipse tibi Adraustus, tibi se summittat Vlixes,
 Summittat Pylis lingua beata senis.
 Seu magis ingenij praestans miramur acumen,
 Haec quoq. tuis intellanda dicenda tibi est.
 Quis ueterem historiam cura maiore reuoluit?
 Quis, ueteres quidquid perdocuere sophia?
 Atque utinam nobis imā, Duarene, liceret
 Hoc quidquid nitae est quod datur exigere.
 Quam me saepe tuo pendente ex ore uideres
 Sermones audire combibere aure tuos.
 Fors etiam tua me uestigia pone sequentem
 Proueheret sensim persiceretq. labos.
 Mi siquidem non ingenij uis uiuida desit,

D 2 Quominus

Quominus esse aliquid, te praecunte, queam
 Verum me una Venus, Venus heu me cōsuevit una
 Vna hominum & diuorū omniū acerba lues
 Vna Venus misero sensus exorbuit omnes:
 Vna Venus misero mentem animi eripuit.
 Me me illa innumeras adigit pallens colores,
 Me me illa inuito molliter ore queri.
 Illa die noctem, lucemq. requirere noctu,
 Et dare non sani mille notas animi.
 Nec mihi uel caelum prodest implere querellis
 Vel facere ad magicos impia sacra focos.
 Saepe ego me puro lustravi fulfure, saepe
 Mustani ignoto barbara uerba sono.
 Saepe caput uino ieiunus flumine merfi.
 Ipsa sub indicti primula tela die.
 Et mihi tentata est quaecumq. expellere amore.
 Lecta in sepositis creditur verba iugis. (bai
 Sed neq. me fulfur, nec uerba, nec unda, nec heu
 Ah miserum, ex ulla parte iuuare queunt.
 Quod mihi nascenti sidus praeluxit, ut in me
 Irrita sint, quae alijs auxilio esse solent?
 At quondā obscenas Zethes, Zethaeq. gemelli
 Aphinei mensis depulit acer aues:
 Illa etiam Alcidae perijt confixa sagittis
 Iapetionidae tundere sueta iecur.
 Et tamen ille deum uulgauerat ore fusuerra
 Arcana obscuris inuoluenda notis:
 Hic Iouis e solio subreptum nenerat ignem.
 Fallaciq.

Fallacia; ipsum iusserat arte Iovem.

Verum ego si studui verbo temerarius ullo.

Sive hominum quemquam laedere, sive deū,

Ista meo namquam decedat pectore pestis:

Sed populet sensus irrequieta meos: (ror,

An miserorū hominū cuiq. est suus additus er-

Ne se caelicolis autumet esse parem?

Hunc igitur nummi, sitis illum exurit honorum:

At me aetas florens, & bona forma rapit.

Hic ego si iubeat penetrare Acherunta duobus,

Ipsam Acherunta levis sit penetrare labos.

Possū ego per gladios, possū trāsire per ignes,

Et bibere Aeaea trita aconita manu:

Insanum Veneris nequeo cohibere furorem:

Sic licet immerito semper acerba mihi.

Q lingua lingua; ut magna eges custodia:

Quae & alijs saepe, & saepius domino nocet.

Multum affecit, qui bene didicit loqui;

Qui bene tacere, non minus affecutus est.

NIVIBUS hiems exuberat, ver floribus,

Aestas aristas affluit, lacrimis amor.

CUM omnia in amore misera sunt, tū id omniū

Miserrimum est, patri amica cum actis.

Repulsa amor conlucet, ut cibus sale:

Sine spe mesiq. insipidus atque insulsus est.

Si mihi laeerti, quales olim, nunc forent :
 Nō lingua potius tibi opē ferrem, quā manu.
 Nunc tarda membra, & sanguis adstrictus gelu
 Conferere in acie cum hostibus manum uerant ;
 Prodesse patriae uoce & consilio sinunt .
 Corpus obit annis : consilio animus uiget :
 Viresq. senibus defluunt, uerba affluunt .

Quare te causa mihi potuit mutare, Neaera,
 Ut mea iam non sis quae modo dicta mea es?
 Quonam amor ille abiit, quo te iactare solebas,
 Cum tibi magna satis gloria amator eram?
 Certe etenimet memini ipse, et te meminisse nece.
 Quā saepe exciderint talia uerba tibi. (se est,
 Dona iuuent alias. dum me Muretus amabit,
 Cetera mi ut desint omnia, diues ero .
 Aurū aliae gemasq. ego nil, nisi carmina, poscā
 Plus mihi diuitijs omnibus illa placent .
 Nec minus ipse tibi parili coniunctus amore,
 Talia reddebam dicta, sed ex animo.
 Vre Cupido alios. ignis mihi sola Neaera est .
 Odi alias omnes. quin etiam obtulerit
 Si mihi se Kenus ipsa, Kenus feret ipsa repulsam
 Solus ego illius, sola ut & ipsa mea est .
 Hei mihi uix menses abssum a te quattuor : & t
 Alterius factam nuncia fama refert .
 Quid si Tāprobanæ petiisse aut litora Thyles
 Tam longe distat Tiberis ab Eridano ?

At cum me flentem flens ipsa amplexa teneres,

Inq. tuo stratus limine staret equus,

Complexuq. tuo uix me subducere possem:

Iam discedenti qualia dicta dabas.

Dum uiuam, res nulla tuo me auellet amore.

Quod si post uitae tēpora durat amor, (bo.

Tūc quoque te, Murete, etiā umbra et puluis ama

Haec mihi tum multis non sine lacrimulis

Te memini dixisse, o nuper cara Neaera.

Et, quamquā odisti, nunc quoque cara tamē,

Cara, fatebor enim, quāquā te absentia mutat:

Factura est leuitas nec me aliena leuem.

Iuppiter, ut certi nihil est in amore puellae,

Saepe uno decies odit amatq. die.

Quam melius foret a uanis auertere mentem,

Et solida ac numquam deperitura sequi.

O si me meliorq. Venus, meliorq. Cupido

Vindicaret, iniecta corripiatq. manu.

Tunc flebis, cū me ereptum nouus ignis habebit:

Et te culpabis, duritiāq. tuam.

Ast ego, subducta uinclis cernice molestis,

Ridebo, inq. uicem, perfida, durus ero.

Vt seruus dominae imperium perpeffus iniquae,

Quem praetor iuris iussit abire sui.

Ex ueteris Comici Graeci Philemonis nobilem sententiam a Plutarcho & a Stobaeo acceptam animi caussa exprimere tentassem & dicendi genere & numero ueterum Latinorum tragicorum si millimo: placuit etiam experiri, numquid eandem comice explicare possem. Visum est utrumque non infeliciter successisse. Per iocum igitur prioribus uersibus Attij, posterioribus Trabeae nomen adscripti, ut experirer aliorum iudicia, & uiderem num quis in eis inesset uetustatis sapor. Nemo repertus est, qui non ea pro ueteribus acceperit. Unus etiam & eruditione minime uulgari & iudicio acerrimo praeditus repertus est, qui ea a me accepta pro ueteribus publicaret. Ne quis igitur amplius fallatur, & rem totam detegendam, & carmina ipsa hic subiicienda duxi.

Afficta Attio.

NAM si lamentis allenuaretur dolor,
 Longoque stetu minueretur miseria,
 Tum turpe lacrumis indulgere non foret,
 Fraetraq-

*Fraſſaq. uoce diuum obteſtari fidem ,
 Tabifica donec peſtore exceſſet lues.
 Nunc haec neque hilum de dolore detrahunt ,
 Potiusq. cumulum miſeris adiſciunt mali ,
 Et indecoram mentis mollitiam arguunt .*

Afficta Trabeae.

*HERE , ſi querellis , eiulatu , fletibus
 Medicina fieret miſerijs mortalium ,
 Auro parandae lacrumae contra forent :
 Nunc haec ad minuenda mala nō magis ualent ,
 Quam naenia praeficae ad excitandos mortuos .
 Res turbidae conſilium, non fletum, expetunt .*

*VT imbre tellus, ſic riganda mens mero :
 Vt illa fruges, haec bona conſilia efferat .*

**Bayeriſche
 Staatsbibliothek
 München**

...
...
...
...
...

... ..

...
...
...
...
...
...

...
...

